



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 3. De benedictione Chrismatis ab Episcopo,

urn:nbn:de:hbz:466:1-40834

De Sacramento Confirm. Cap. II. 115
versus Lucifer. S. Chrylost. in cap. 8. Act. &
in cap. 6. ad Hebr. S. August. 15. lib. de
Trinitate cap. 26. *Apostoli orabant, ut ve-*
niret Spiritus-sanctus in eos quibus manum
imponebant, quem morem in suis Præpositis
etiam nunc Ecclesia servat. Idem habet in
expositione Epist. ad Rom. lib. 3. de Baptismo
cap. 16. Et Tract. 6. in Joann.

Concilium Moguntinum anno 1549. cap.
17. *Ea verò, inquit, ut erant à Christo pro-*
missa, ipsis Apostolis in die Pentecostes exhi-
bita, & ab eisdem per manus impositionem in
alios transfundi cœpta, actus ipsorum satis
testantur; undè Ecclesia Catholica Spiritum-
sanctum per manus Episcoporum Fidelibus
tradendi normam accepit.

Concilium Narbonense anno 1609. *Sancto-*
rum Constitutionibus, inquit, constat nos in
Baptismo regenerari ad vitam, & post Baptis-
mus in hoc Sacramento (Confirmationis)
quo per impositionem manuum Episcopi Spiri-
us sanctus diffunditur in corda Fidelium, ro-
bur atque fortitudinem dari.

Quæst. 3. Benedictio Chrismatis facta ab
Episcopo, est-ne necessaria ad validitatem
Sacramenti Confirmationis? an requiritur
tantùm ad solemnitatem, uti est benedictio
aquæ in Sacramento Baptismi?

Resp. Benedictio Chrismatis ab Episcopo est
necessaria ad validitatem hujus Sacramenti,
quod quidem probatur autoritate Innocentii
III. relati in Canone: Presbyteris, inquit, Can. Presby-
Chrismate baptizatos ungere licet, sed quod teris. De Con-
ab Episcopo fuerit consecratum: non tamen secr. dist. 41
frontem ex eodem oleo signare, quod solis de-
betur Episcopis, cum tradunt spiritum Para-
cletum.

Cujus rationem affert Divus Thomas, cum

D. Tho. 3. p.
q. 72. art. 3.
in corp.

ait: Dicendum quòd tota Sacramentorum sanctificatio à Christo derivatur. Est autem considerandum quòd quibusdam Sacramentis habentibus materiam corpoream Christus est usus: scilicet Baptismo & etiam Eucharistia; & ideo ex ipso usu Christi materia horum Sacramentorum aptitudinem acceperunt ad perfectionem Sacramenti. Vnde Chrysostomus dicit, quòd nunquam aqua Baptismi purgare peccata credentium possent, nisi tactu Domini corporis sanctificata fuissent. Et similiter ipse Dominus accipiens panem, benedixit: similiter autem & Calicem ut habetur Matth. 26. & Luca 22. Et propter hoc non est de necessitate horum Sacramentorum, quòd materia prius benedicatur, quia sufficit benedictio Christi; si qua verò benedictio adhibeatur, pertinet ad solemnitatem Sacramenti, non autem ad necessitatem. Vnctionibus autem visibilibus Christus non est usus, ne fieret injuria invisibili unctio, qua est unctus praesens consortibus suis, Psal. 44. & ideo tam Chrisma, quàm oleum Sanctum infirmorum prius benedicuntur, quàm adhibeantur ad usum Sacramenti.

Quaest. 4. Quisnam est minister Sacramenti Confirmationis?

Resp. Solus Episcopus, ut habetur in Canon. Manús. De Consecr. dist. 5. none: Manús quoque impositionis Sacramentum magna veneratione tenendum est, quòd ab aliis perfici non potest nisi à summis Sacerdotibus; nec tempore Apostolorum ab aliis quàm ab ipsis Apostolis legitur aut scitur peractum esse, nec ab aliis quàm illis qui eorum tenent locum, unquam perfici potest, aut fieri debet. Nam si aliter praesumptum fuerit, irritum habeatur & vacuum, & inter Ecclesiastica nunquam reputabitur Sacramenta.